

D. A. G.
DISSERTATIONIS
DE
POËSI
FENNICA,
PARTICULA PRIMA,

QUAM,

*Consens. Ampl. SENAT. Philos. in Reg. Acad. Aboënsi,
Publico examini subjiciunt*

AUCTOR
**HENRICUS GABRIEL
PORTHAN,**

ET
RESPONDENS

JOHANNES HELSINGBERG,
WIBURGENSIS.

In AUDITORIO MAJORI d. XIX. Julii
Anni MDCCLXVI.

H. A. M. C.

ABOÆ,
Impressit JOH. CHRISTOPH. FRENCKELL.

KONGL. MAJ:TS
TRO-TJENARE
Och
KONGLIGE RÄNTMÄSTARE
Högädle

HERR ANDERS HELENIUS.

Tillåt, *Gunstige HERRE och Värde Gymare*, at jag med *EDFRT* namn, pryder dessa blad, som af kildra våre Finnars Skaldekonst.

Jag nyttjar med glädje detta tilfället, at of fenteligen betyga den vördnad och högakning, som jag är HERR KONGL. RÄNTMÄSTAREN skyldig, för den stora ynnest och bevägenhet, hvilken jag alt ifrån mine spådafte år af HERR KONGL. RÄNTMÄSTAREN fatt erfara.

Den Högste bekröne HERR KONGL. RÄNTMÄSTAREN uti ymnigaste mått med all nåd och fölighet, och göre Dess dagar både många och glada.

Jag framhärdar med vördnad

Högädle HERR KONGL. RÄNTMÄSTARENS

Ödmjuke tjenare
JOHAN HELSINGBERG.

VIRO
Plurimum Reverendo atque Praeclarissimo
**D: NO ALEXANDRO
HELSINGBERG,**

PASTORI animarum quæ Deo in Cangasniemi
colliguntur meritissimo,

PARENTI OPTIMO, INDULGENTISSIMO.

Pagellas hasce, alieno licet ingenio debitas, in tesseram venerabundi & gratis simi animi, ob innumera & vere paterna infemel collata beneficia, cum ardentissimo perpetuae & omnigenæ felicitatis voto, D.D.D.

OPTIMI PARENTIS

Filius obsequentissimus
JOHANNES HELSINGBERG.

Råd- och HANDELSMANNEN i Helsingfors;

Ådel och Högaktad

Herr GUSTAF JOHAN BOCK.

HANDELSMANNEN dersammastådes,

Högaktad

Herr JOHAN SEDERHOLM.

*D*e många och ogemena välgerningar, som, jag af
EDER, Mine HERRAR, åtnjutit, befalla mig, at
i ödmjukhet tilägna EDER detta Academiska arbete.

*En så ringa gäfva, svarar väl icke emot Mine
HERRARS mig bevista synnerliga ynnest, men lärer lik-
väl icke misshaga, då hon får vitna om den vördnad
och högakning, hvarmed jag aldrig upphör at vara*

MINE HERRARS

Ödmjuke tjenare

JOHAN HELSINGBERG.

Riemu-Laulut Runoisissa /
Weisatut silloin väleehen
Kosca Nunot Kuuluisimmat
Suomen laulut suloisimmat
Varsin hovin vastatuki
Tulit tuolla Turkuseissa
Kuuluisissa Kaupungissa
Otetuxi oppineilta
Muitten kielten kumpalixi.

Fuomen kielet sangiaxi
Kyllä kuulumvi korvaxi;
Vaan on sitä wakaisempi
Syntiämäpi suloisempi
Paljon sitä painarvampi,
Täynnä tarckoja sanosa,
Täynnä toimea tosingin
Solmusanobin sujuva.

Tähä kielehää korvasha
Löydät Lelly-lähdeitä
Totka juorewat joipi
Lewiawat lammikoiyi,
Totka janon jähdytävääl
Kielet saawat succelaxi
Raikenlaissi kelpavarxi;
Joskas tahdot toimellisha
Paljon parveha puhua,
Tairvahasta tulisesta,
Eli maasta matalasta,

Taicka tähtein taloista,
Nijn on kielet keltvollinen
Tuommosihin toimellinen
Varsin luonnosta wakawa.

Taickas tahdot tasaisesti
Olman ihevallaisesti
Olman solmuja sanella,
Jocapäivästä puhua;

Eli joħħā soritella
Tahdot solmuhiin sanasi
Lanlamalla lasketella
Mitä mieles mielisyys;
Eli Nunohin ruweta;
Tott' on kielet keltvollinen
Suomi sijhengin sujuva
Varsin airvan kulin walettu
Tuhon Tuiki taipununna,
Aliwan mielesi mukahan.

Sijħa

Sijtä sanowat samaiset
Eodistarvat täytä päättä
Suomen kielen laulu - lastut
Kunot, monet mainittawat,
Toit' on juuri joukkottaisin
Ylönpaljon ylimaasa
Sakialta Savon - me asa
Pitkin koko Pohjolata
Hunnakolla Hämehefsä
Tuonne tärne tuiskuteltu;
Toita matkij matkamiehet,
Voruttarvat laulu - miehet,
Vidousanha, vejahaisis,
Häisä huiki hyppäefsä.

Nuoita nuoret nauru - suiset
Nuoita Neitot näppäräiset,
Vanhat waarit wanuttarvat
Keskenänsä fertonewat
Lembästi laulelevat.

Näistä nyt nimitehystä,
Suomen kielen kuckaisista
Määmme poimitut varahat
Koko lyhteet cootut,
Toista warsin wickelästi
Wisut wiissahat wetävät,
Jlo suulla imelewät
Opin oikian urosten

Suomen miesten mielen pidon
Kielen luonnon kaunishamman.

Jospa Vanha Wäinämöinen
Tämän tietäsi todexi,
Näistä laisi sanomia,
Totta Vanha wetäys
Tulis tärne Tuonelasta,
Haappajaisi hartioilleen
Kantelensa kaappajaisi:

Tuopa ihe Ihmettelis
Kuinga Suomi Korkiallen
Kambia ombi läennyt
Oppineitten olkapäillen:
Totta Vanha wiheltaisi
Kallistaisi Kalloansa
Hyppis warsin haltiosans.
Ihe vanha Wäinämöinen
Joisansä istuihansä
Virittäisi wickelästi
Kajaarvaisen Kantelonsa,
Jonga kjelet liinnittäisi,
Että Kuulusi Kumina,
Helinästä heikommasta
Hawattaisihin humina,
Tuonne Tornoan talohon
Pitkin koko Pohjolata,
Yli suuren Suomen - saaren!!

CHRISTFRIED GANANDER,
TUOMAAKIN poika.
Pappis - mies Pohjanmaalta.



D. D.

S. I.

Almæ Poëeos uti ea est jucunditas atque
præstantia, ut nulla facile, non solum
cultior, sed etjam barbara, reperi
queat natio, quæ non specie saltim ejus aliqua de-
lectata, suo illam modo tractare atque colere alla-
boraverit; ita gens quoque Fennica a pulcherrimo
hoc studio adeo non fuit aliena, ut singulari potius
ardore & successu, pro rerum conditione haud in-
felici, ab antiquioribus usque temporibus illi incu-
buerit. Ad summum vero illud fastigium, quod a-
pud quasdam cultissimas gentes, & olim & hodie
attigit, a nostris hominibus, quamvis ingenii vi
haudquaquam destitutis, perduci non potuisse, ne-
mo credo mirabitur. Non fuit is status gentis, vel
cum primum apud nos ab omni cum litteris com-
mercio remotos hæc facultas coli, vel etjam postea
cum illarum tandem familiaritati admovevi cœpis-
set, qui locum tantæ spei relinqueret. Non is lin-
guæ, quamvis communi intelligentium judicio pul-
cherrimæ, honos est habitus, non illi doctissimo-

A

rum

rum & cultissimorum lectorum plausus, illique laudi
 & gloriæ fructus uberrimi poëtis nostris fue-
 runt exspectandi, non illa denique præclara præmia
 illæque florentes gentis res ingenia hominum accen-
 derunt, ut summus his litteris nitor summumque
 decus accedere potuerit. Naturali igitur eujusque
 impetui & exercitationi artis subsidiis parum adju-
 tæ, tota fere relictæ fuit pulcherrima facultas. Præ-
 cepta ejus distinctius explicare, majorique & doctio-
 ri eandem cura atque diligentia excolare, aggressus
 est nemo. Quid itaque mirum, si rudiorem aliquan-
 to, quam pro cæterarum litterarum flore, quarum
 nempe opibus & cultu satis ornata non fuit, reti-
 nuerit habitum? Mirandum potius est, illam tamen
 venustatem illosque lacertos ei non deesse, quibus
 eam pollere, qui proprius spectarunt, omnes fateri
 necesse habent. Accessit vero cæteris ejus malis,
 quod neque rationem hujus studii apud nos singu-
 larem, & fortunam qua hactenus usus fuit, quis-
 quam curatius & plenius hucusque exposuit. Ten-
 tarunt quidem indeolem carminum nostrorum bre-
 viter explicare PETRÆUS *Brev. Instit. Ling. Fenni-
 æ*, parte *Prosodica*, WEXIONIUS *Descript. Sveciæ
 Goib. & Fenn. Lib. III. cap. XIV*, & MARTINIUS *Hodeg.
 Ling. Fenn.* p. 105. sqq. qui Petraum verbotenus sequi-
 tur; sed neque plene neque accurate satis in eo ar-
 gumento versati sunt. Præclara autem & eruditissi-
 me observata sunt, quæ de Poësi nostra passim
 tradit vir de gente nostra immortaliter meritus Re-
 verendiss. JUSLENIUS; cfr. *Diss. de Aboa Vet. & No-
 va*,

va, §. 33. p. 91. Orat. de Conv. Lingua Fennica cum
Hebræa & Græca, (NETTELBLADT Schwed. Bibliotb.
 1. Stück. p. 163.) & prefat. Lexici Fennici §. 16. sed
 tamen ea etiam pauciora & quasi in transcursu tan-
 tum dicta. Factum hinc est, ut non modo pauci
 adhue integrum poëseos nostræ rationem rite & di-
 stincte perspexerint, adeoque his litteris digne per-
 poliendis operam navare potuerint, sed multi et-
 jam popularium doctiorum, vix ipsam carminum
 nostrorum faciem, quoad pulcherrimam sui partem,
 notam habuerint, longe itaque difficilius ab illis co-
 gnoscendam, qui extra linguae nostræ commercium
 degentes, litteras tamen nostras attentione sua di-
 gnas judicant. Ex eodem quoque fluxit fonte, quod
 & nostratum nonnulli exiguum musis nostris sta-
 tuerunt pretium, & quidam vernaculi cæteroquin
 sermonis satis gnari, cum ad versus scribendos se
 contulerunt, usque adeo a vera illorum aberrarunt
 indole, ut ludibrium prudentioribus suis civibus,
 etiam plane illiteratis, merito debuerint. Hæc igi-
 tur considerans, & operæ omnino judicans esse pre-
 tium in majorem lucem vernaculæ poëseos ratio-
 nem conditionemque proferri, statui huic negotio
 industriam atque studium pro virili addicere, idque
 eo potius, quod & harum rerum curiosis non in-
 gratum fore laborem, popularibusque & imprimis
 patronis atque amicis meis consilium meum adpro-
 bari intelligerem, & ad litteras nostras excolendas
 non exiguum inde redundaturam utilitatem existi-
 marem, si occasio præberetur delicias illarum, quas

non modo ignorare, sed iis etiam non affici, nato Feno turpe puto, diligentius examinandi. Campum igitur ingressus satis quidem vastum, non tantum quos supra indicavi auctores consulere, propriumque adhibere judicium necesse habui, sed carmina etiam varii generis colligere quæ attentius considerari merebantur, & ad historiam poëeos nostræ pertinentia haud pauca investigare. Quæ cum ex interioribus in primis provinciis conquirenda essent, a me aut nunquam aut non cum debita harum rerum cura aditis, neque facultas jam concederetur easdem diligentius perlustrandi, fautores & amicos quibus opportunum id esset, rogavi ut auxiliatrices mihi hoc in negotio manus porrigere vellent; quod etiam præstiterunt plurimi, quibus itaque ob eam benevolentiam gratias & habeo & ago meritas. Fateri tamen cogor, neque sic me omnia quæ ad argumentum hocce illustrandum pertinent, ita colligere aut explicata sistere voluisse, ut vel ipsi mihi satisficerim. Restant sine dubio haud pauca ulterius examinanda, quibus autem non alia ratione lucem facilius acquiri posse existimavi, quam si opellam, nondum licet ultima attactam manu, & rudiori tantum quasi imagine rem adumbrantem, publico Honoratissimorum Popularium, quos hæc studia delectant, judicio modeste quamprimum subjecerem; quo facto, & quæ deficiant & in quibus erratum sit animadvertere, commodiusque prout opus fuerit aut supplere illa aut emendare poterunt. Hoc igitur consilio, observationes

meas

meas Dissertatione Academica complexus, in lucem sensim emittenda, primam jam ejus particulam benevolis lectoribus sisto, qua par est observantia rogans, ut harum rerum prudentes opem mihi de patriis litteris bene mereri cupienti porro præbere, doctasque suas animadversiones mecum communicare velint, quas quidem in usum vertere, & sequentibus opellæ partibus adjicere non prætermittam. Ex qua deinde silva, si non mihi, attamen aliis felicioribus ingenii, perfectam & concinnam libebit de integra poëeos nostræ ratione commentationem tandem conficere. Quod si factum fuerit, studiaque gentis nostræ ad has perpoliendas litteras aliquantum incendantur, abunde scopum meum attigi.

§. II.

Fennicæ Poëeos universam exposituri faciem, in limine statim observamus, non eadem hodie legi cunctæ apud nos carmina factitari, sed tria illorum amari diversa plane genera. Præter peculiare enim illud & genti nostræ proprium carminis genus, quod Runarum Fennicarum nomine venit, quoque præ cæteris delectantur nostri, introducta etiam fuit posteriori tempore Poëssis sic dicta Rhythmica, sive μονομετρικ ornata, quæ apud nos non minus ac apud reliquas Europæas nationes fere omnes, suos invenit amatores. Alii rursus, veterum Græcorum Latinorumque capti carminum justa admiratione, illorum imitatione *versus quantitatis exacta in syllabis*

bis mensura ornatos, nostra quoque lingua compo-
nere tentarunt. De quibus itaque singulis generi-
bus, quaque apud nos jam ratione & fortuna co-
lantur, distincte & ordine dicemus.

§. III.

Antiquam igitur & domesticam gentis Poësin, Runas videlicet Fennicas, & genio linguæ nostræ maxime convenientes, & majori præ cæteris ver-
suum generibus apud nos cultura floreque conspi-
cuas, primum considerabimus. Runot (sing. Runo) hujusmodi carmina vernacula lingua dicuntur (*a*), & singulari gaudent natura atque indole. Monoco-
la semper sunt, sive uniformia, & versibus constant
quorum singuli octo recipiunt syllabas (*b*), quæ si plures quando aut pauciores adfuerint, vitiosæ id
tribuendum licentiae (*c*). Facies illorum ex sequen-
ti patebit exemplo:

Rer.

(*a*) Nomine forte ex Hebræorum קְנָתָה orto, unde קְנָתָה Canticum. An cum Gothorum quoque Runa (pl. Runor) sit-
teram significante, aliquam cognationem habeat, & quam, non facile dixerim. WORMIUS certe, qui Gothicam vo-
cem ex Hebræa nullo modo descendere posse contendit, e-
jusmodi adsert argumenta, que Fennicæ vocis derivationi,
quam indicavi, egregie favent. Cfr. Ej. Litterat. Runic. Cap. 2.

(*b*) Atque hoc forte respectu a Rev. JUSLENIO cum
Glyconicis comparantur, Prof. Lex. Fenn. §. 16. licet ratione
pedum nulla inter eos reperiatur similitudo.

(*c*) Exemplum igitur a Nobil. WEXIONIO adductum,

Kewåt leickuin tulepi /
 Ilon kausa ilmestypä ;
 Silloin monda mehämiestä /
 Semaisinda soidinmiestä /
 Suren päällä soutelepi /
 Ennakolla enndittäpi /
 Mehän eländen edulle /
 Soittavaisten soittimille ;
 Silloin kieki kalamiehet
 Taatin päästle phytelerwåt /
 Werkot wetehen wetärwåt
 Heinickohon heittelewåt ; &c. (d).

Quantitatis exacta quidem, qualis apud Græcos olim
 & Latinos, in metiendis syllabis non habetur ratio.
 Modos autem musicos, sive *tonum*, cui cantantes
 carmina sua populares nostri constanter adtempe-
 rant, si consulere velimus, quatuor *Trochæos* singuli
 versus aptissime recipere videntur (e). Neque dif-
 ficul-

loco supra citato, ad ostendendam indelem carminis Fenni-
 ci, videl.

Pojat parat pauhakam,
 Meijet nuoret iloitkam,
 Wanhat wahwast weisatkam,
 minus idoneum esse, vel ex hac ratione apparet.

(d) CALAMNII Wåh. Kokous Suomal. Runoista,
 pag. 4. seq.

(e) De quantitate syllabarum apud Fennos, in sequen-
 tibus diligentius disputabimus. Pro illis quaæ hac §. tradun-
 tur intelligendis, Runarum hac in parte indelem cognoscen-

ficulter animadvertisit, illos versus, quibus hi contingunt pedes, commodissime & pulcherrime curre.

dam præbentibus; interea monuisse sufficiat, omnes vocales simplices in lingua nostra breves esse, & ad producendam syllabam diphthonge, positione, aut vocali geminata opus esse; geminata enim littera vocales longas significare, apud nos moris est. Quot & quasnam lingua nostra habeat diphthongos, vide apud VHAËLIUM Gramm. Fenn. cap. I. §. 14. & JUSLENIUM Prefat. Lex. Fenn. §. 8. Accedere autem præterea accentus debet, ut perfecta mora enascatur. Accentum vero in lingua nostra duplicum sentire mihi videor; quod etiam sibi visum in cit. *Dissere. de Aboा V. & N.* §. 33. p. 90. innuit Rev. JUSLENIUS; unum qui cujusque vocis primam occupat syllabam, a Grammaticis quoque nostris animadversum, quem non inepte *tonicum* vocari posse existimo, qui solus brevitatibz nihil officit; alterum in vocibus ultra tres syllabas porrectis notabilem, qui vocum tetrasyllabicarum quartam, hexasyllabicarum tertiam & quintam, octosyllabicarum tertiam, quintam & septimam syllabam adficit, sed in pentasyllabis & heptasyllabis paulo diversam sequitur rationem, quam jam non est necesse explicare. Hunc *Euphonicum* commode dici arbitror; qui a Grammaticis nostris non est animadversus, tamen facile agnoscendus. Sic in vocibus soutelepi, ennättäpi, præter primam syllabam accentu quodam manifesto adscitur etiam tertia, & in huolimattomuuden etiam quinta. Hic accentus, effectum ad moræ similitudinem proprius accendentem habere, quam primus ille, videtur. Elegantius certe fuit metroque trochaico paret exաejus hic versus: *Waadit kauha kandamahan*, item: *Koška kauli mainittawan*, quam hi: *Josskas nāitā pyydät pitā*, & *Kuto kaunit kargas kudat*, Etia suuret hyna pakat.

re. Exempli loco hunc adferemus: Kohla lusli jlli
khenså / item: Saapi surma vierahax. Imo illi
quoque versus, qui hujus metri jucunditatem perfe-
cte non attingunt, quo tamen ad illud proprius ac-
cedunt, eo fluunt dulcius, quod ex adducto modo
speciminis loco carmine satis patebit, instituta inter
duos primos versus comparatione. Constanter ve-
ro huius metro Poësis nostra adligata non fuit; ne-
que Græcorum Latinorumque summum illum rigo-
rem vel linguæ vel carminum nostrorum indoles
patitur. Nimis certe poëtis nostris grave impone-
retur jugum, si præter peculiares nostris versibus
leges, tot adhuc tamque severæ observandæ illis
præscriberentur regulæ. Cæterum indicatæ pedum
formæ, quantum fieri commode potest, libenter poë-
tæ nostri imminent, ipso aurium sensu ducti, licet
nulla suffulti distincta regularum notitia. Inulta
videlicet plane & intacta hucusque hæc apud nos
fuit doctrina, primoque conatu rite explicari diffi-
cillime potest. Quamobrem qui haec tenus de poësi
nostra judicium tulerunt, nullam prouersus in Runis
nostris quantitatis syllabarum haberi rationem, pro-
nuntiarunt; quam tamen opinionem firmo haud ni-
ti fundamento, vel inde potest intelligi, quod eæ-
dem voces in versu aliter atque aliter collocatæ,
salvis licet regulis grammaticis & prosaicæ oratio-
nis compositione, aut svavem illum gratumque au-
ribus, aut durum & intolerabilem reddant. Exem-
pli loco hi versus sint: Miecka wâlchyi merinen/
Hengi hyokupi hewoisten; item: Kurjat werchoa fu-
towat /

towat / Bahat neuwoja nitowat / Galon surmari
 Jumalan / Balkari parahan neuwon; item: Eikä ri-
 toja rakenna / Eikä suututa sanoilla; Sulle siswollen
 sanowa / Mitä tarwitaan talosta; qui licet supra lau-
 dato metro exacte non pareant, minime tamen in-
 ficiet apud nos habentur. Sed immuta paullulum
 vocum ordinem, ita ut hac ratione legantur: We-
 rinen miecka wälchpi, Hewoisten hengi huokupi / &
 Kuriat kutovat wercko / Bahat nitowat neuwoja/
 Galon Jumalan surmari / Parahan neuwon balkari/
 & Eikä rakenna ri-toja / Eikä sanoilla suututa; Su-
 lle sanowa siswollen / Mitä talosta tarwitaan; omnis
 illico perierit illorum svavitas. Quæ etiam aures
 Fennicæ hos ferent versus: Kuin minnä tulin Tur-
 kuhun / Nijn minnä nän ihmeitä / &c. Aut quis poë-
 seos nostræ gnarus, omnino versus esse largietur?
 Quibus similia innumera possent adduci exempla,
 non alio quam neglectæ quantitatis vitio laboran-
 tia, quæ tamen aurium mox judicio damnantur.
 Omnem itaque de syllabarum quantitate curam ab-
 jicere, poëtis nostris haudquaquam licere, luculen-
 tissime patet. Quousque autem extendenda sit, &
 quænam hic in primis observari debeant regulæ,
 difficilius statuitur. Mihi hujusmodi observationes
 se obtulerunt. I:0 Ubi a veri metri rigore necessitas
 recedere jubet, multo semper facilius syllabis brevibus
 moram imponere, quam longas corripere licet. Exem-
 pla ex præcedentibus hauriri possunt. Longæ au-
 tem in Runis non aliæ censendæ sunt, quam quæ
 cum diphongo, positione, aut vocali geminata,
 accen-

accentum aliquem conjunctum habent; reliquæ breves putandæ (cfr. not. præc. (e)). 2:0 *In prioribus pedibus facilius aberratio permitti aliqua potest, quam in extremis, in quibus maxime perfectio atque absolutio judicatur.* Compensat aliqua ratione accentus tonicus moram in primis pedibus, sed ægerrime in postremis. Longe dicitur tolerabilius: *Jostas pís
tā náitā phydát / quam Jostas náitā phydát pitá.* 3:0 *Mono syllaba non facile terminatur versus Runicus;* quod vitium, hujusmodi vocum & paucitas & indoles facillimum evitatu poëtie nostris reddit. Fuerunt tamen qui neque ab illo sibi caverunt. Exemplum præbet ingratissimus hic versus: *Jonga Her
ta hurstari ties.* Inprimis vero 4:0 *penultime syllabe, quæ etiam inter cantandum longissime semper pro
ducitur, ægrius licet esse brevi;* quod præcipue valet, si accidat ut antepenultima simul sit longa, quo nimirum facto, conjuncta illa duo vitia aures gravius offendunt. Atque hinc est, quod exempla nuper adducta, immutato verborum ordine tantopere displiceant. Æque ingrate hi versus sonant: *Pyrkil
hón sun phyrillás / Kulkohon sun kannillas;* a quorum igitur similibus accuratiōes poëtæ diligenter sibi cavent. Neque dubitant ad hanc asperitatem evitandam, figuram aliquam grammaticam, & in primis mutatum naturalem ordinem vocum, si opus sit, potius adhibere, quantum quidem perspicuitas & puritas sermonis permittit. Luculenter hoc etiam probant hi versus: *Judas pettājá Jumalan,* *Saa tāsiā suru sydämmien;* *Raha joutui rastahari,* *videlicet 2000 annos auct. B 2 collig. menses ad 2000 annos.*

Kåndyi huolexi hopia / Saatu surmalla Jumalan /
 Werellä wakaisen Herran. Tunnusti samalla suulla /
 Jolla Luojan pettänyynä / Työnsi tyhmäri todisti &c.
 (f). Non dicit poëta: Judas Jumalan pettäjä / vel
 Hopia kåndyt huolexi &c. Sed patitur tamen alla-
 ta regula etiam haud paucas exceptiones. Voces
 enim quatuor aut sex constantes syllabis, quamquam
 penultimam babeant brevem, apte tamen versum termi-
 nant, licet etiam antepenultima longa sit, quod accen-
 tus Euphonicus in illis productionem penultimæ
 compensat (cfr. not. præc. (e)); cuius rei exempla
 carmen in initio §:i allatum plura præbet. Atque
 in genere observandum, versus nostris apitissime sem-
 per longiori voce, nisi alia ratio obstat, terminari. I-
 taque non tam placent hi: Kestä Kuningamme kulo
 si / Matkusteli meidän maalla / quam si hac ratione
 verba collocentur: Kestä kultti Kuningamme / Meis-
 dän maalla matkusteli; & longe ingratius dicitur:
 Kultti kolmaanengin kerran / quam kultti kerran kolo-
 manengin. Cujus etiam rei ratio, in accentus illius
 secundi nescio quo pondere latere videtur. Porro
 eo usque sollicitudo de debita penultimæ syllabæ
 mora extendi non debet, ut exemplo nonnullorum
 qui nimis rigidam in quantitatis legibus servandis
 accurationem sectati sunt, omnes voces trisyllabicas,
 utpote metro trochaico repugnantes, penitus ex
 Runis nostris excludantur (g). Fraterquam enim

(f) SALAMNII filii Pauli Churesta &c. Cap. X. de
 Judæ proditoris perverbia poenitentia & morte funesta.

(g) Ex eadem ratione omnes etiam voces pentesyllabicas

quod a vetusto carminum nostrorum more nimis
sic esset recedendum, magna etiam vis vocum &
ponderosissimarum & elegantissimarum, ingenti sa-
ne jactura, a poëtis nostris proscribi deberet, & quod
metri jucunditas lucraretur, reliquæ carminis virtu-
tes perderent (*b*). Deinde cum hujusmodi versus,
trisyllabicis etiam constantes vocibus recitantur,
non tantum non ingratum habent sónum, sed vir-
tutem etiam haud exiguum ab ipso hoc metro suo
interdum mutuantur, auriumque sensui abunde fa-
tisfacere seita potest recitantis opera. Exempla in
illis versibus quos passim allegavimus, luculenta ha-
bentur. Cantui quidem hi versus & que accommo-
dati non sunt; sed neque omnia carmina cantari
opus est, & si hoc etiam placet, longo usu leviori
huic asperitati assuefactæ aures nostræ non tantope-
re illa offenduntur, ut gravi adeo jactura evitari
autem possit.

B. 3

ca & heptasyllabica, quod accentus in syllabam producen-
dam non incidat, proscribi deberent; quamquam hoc mino-
ri cum damno fieri potest, quam si omnia trisyllaba effugere
velimus. Neque monosyllaba, nisi duo juxta se invicem po-
sita adhibere licet, si summum metri trochaici rigorem in
lingua nostra attingere conaremus.

(*b*) Inter alios, ab omnibus vocibus trisyllabicis, con-
stanter abstinet Aucto Spectatiss. Runatum super bello no-
vissime in Fennia gesto, illudque subsecuta pace &c., sub
hoe titulo editorum: Guru suuri Suomalaisen, Parki porm
Pohjalaisen &c., nec non Aucto Anonymus Poëmatis, sub
tit. Huonen Speili &c. nuper denuo typis evulgatum; qui
vero parum intellexit Poëseos nostra rationem,

debeat. Neque timendum est, ne Runis nostris suum propterea non constet pretium, quod ob hanc rationem versus interdum paullum vacillare patiamur. Tolerabiliores hujusmodi defectus, linguæ cujusque indoli sæpe condonandi sunt. Ita Galli, quorum cæteroquin poësis ad tantum ascendit fastigium, præterquam quod, miro exemplo, in versibus recitandis ab illa recedunt verba pronunciandi consuetudine, quam in profaico sermone sectantur, non tantum in Rhythmorum finalium venusta similitudine, sed in accentus quoque & quantitatis leibus exacte servandis, cedunt Svecis & Germanis; & hi rursus a dulci illo atque elegantissimo Græcorum & Romanorum metro longe absunt. Contra, in sequentis versus initio sensum claudere, quam priori versu inchoaveras; quod Gallis præuentibus hodie tantopere cavent omnes, apud Græcos Latinosque, Lyricos in primis, vix in vitio ponebatur. Sed ad Runas nostras redeamus. Quænam præter jam explicatas, in syllabis illarum rite mensurandis necessariæ sint regulæ, indicare hactenus nequeo. Aurium autem exactissimo judicio, quod peritos usu poëtas raro fallit, cuique soli plus in hoc negotio quam omnibus regulis confidendum est, vacillantes & asperos versus a jucundis svariibusque discernere, facile semper licet.

§. IV.

Rhythmos quos vocant finales (Svecis Fim), sive similes clausularum sonos, plurimis hodie gentibus

tibus tantopere amatos, Runæ nostræ haud desiderant. Qui tamen sponte incident, nulla poëtarum cura arcessiti, non displicant. Quamquam hi & rarius se offerunt & pauci eorum accuratissimi sunt, ut ex allatis præced. §. exemplis satis patet. In primis versus, quos trisyllabicæ claudunt voces, accentum nisi in antepenultima syllaba non habentes, rhythmum accuratum plane respuunt; cujusmodi tamen versibus varie intertextis, carmina nostra frequenter gaudent, difficillime igitur genuinis rhythmis ornanda. Et nescio etiam quomodo qui voce dissyllabica terminantur versus, si perfectior accedat rhythmus minus placere videntur, quam si vel nullus vel neglectior adfuerit. Exemplo erunt hi versus: Nýden nýsen kerta kuni, Koska jocu håndå huna-
si / cum his comparati: Wielå ols toinen wirkä, Ja-
saldånsu våalle pandu / & Kirkasti koreat kilwet / Hea-
räfit häreut mielet. Non tamen defuerunt, qui con-
stanter Runis suis rhythmos finales adjicere institue-
runt (i), non feliciore multum consilio, quam qui
Latinis eosdem carminibus obtrudere voluerunt.
Plerumque autem, quo quis Runicæ Poëseos minus
intellexit rationem, eo de versibus suis rhythmis ex-
ornandis sollicitus magis fuit, aliis contra neglectis
potioribus virtutibus, moreque vetusto carminum
nostrorum plane everso. Quamobrem hujusmodi Ru-
næ nullius etiam solent esse pretii, nec ab aliis fere

ama-

(i) Rhythmum hunc ut in versibus nostris necessarium,
commendarunt etiam PETRAEUS & MARTINIUS in Gram-
maticis suis, II. cc.

amari; quam qui versus intelligere ullos sine rhythmo nequeunt (*k*). Qui vero & indolem linguæ nostræ cognoverit, *μουσικής* parum faventem, & natives nostræ Poëseos elegantias perdi non voluerit, novum hoc vatibus nostris & peregrinum jugum imponi haud cupiet, quo vis illorum & impetus, nullo jucunditatis lucro frangeretur & opprimeretur. Horum vero rhythmorum loco, *nostri singulas aut saltim duas in quoque versu voces eadem syllaba aut littera inchoari amant* (*l*), sicque rhythmus quandam & concentus speciem non in fine sed in initio vocum in unoquoque versu querunt. Exempla supra adducta, etiam hanc rem illustrare possunt. Atque

hæc

(*k*) Qui cum hunc tamen venantur, perfecte attingere in lingua nostra ægre possint, eo insuffisientia evadunt carmina omni alio ornatu defituta. Non immorabor exemplis subjiciendis. Affatim dabit poëma supra memoratum, quod sub titulo: *Huonen Speilli &c.* typis descriptum exstat.

(*l*) Observandum hic, litteram E eandem esse cum E littera, adeoque in Runis pro eadem semper haberi, licet ne scio quo Latinos imitandi studio apud plerosque nostrarium receptum sit, illam hujus loco ante vocales duriores a, o & u adhibero. Itaque in exemplis adpositis sprevimus hunc morem & sola E usi sumus. Quod autem i & j, nec non u & v, a quibusdam ut non diverse litteræ in Runis usurpanter, id licentia est adscribendum. Accurate dicitur: Joxi pahan isännän, & Juhla soutunut Jumalan, item Uivros uresta isoista, & Wainwan alla waivaloisien; sed viciose: Uros tunnusti wakainen, & Jon launha juoxemahan.

hæc litterarum earundem initialium repetitio, non sine vitio negligenda, & jucunditatis plurimum apud svetas aures habet, & ad versus in memoria retinendos non minus valet quam rhythmus finalis, longeque cum genio linguae facilius conciliatur. Cæterum cum duæ in versu voces ab eadem incipiunt littera, necesse non est, ut aut in initio versus aut in fine ambæ juxta se invicem collocentur, sed quemcunque locum libere occupare possunt, & aliis quoque vocibus varie interpositis apte saepe junguntur (*m*); ut ex carmine in præced. §. initio adposito apparet. Neque quod nonnullis placuit, ut sine exceptione omnes in quovis versu voces ab eadem littera ordirentur (*n*), probari potest. Tantum enim nimius hic rigor savitatis carmini non addit, quantum Poëtis remoræ & difficultatis creat. Quare etiam pauci arctiori hoc vinculo se adstrinxerunt.

§. V.

Præter indicatam autem singularem rhythmi speciem,

C

(*m*) Ad principium versus utramque adligant Grammatici nostri saepius citati; sed contra usum communem. Quod autem carmina nostra integras periodos habeant, ab eadem littera incipientes, ut itidem asserunt, id casu sit interdum, non ratione.

(*n*) Hoc consilium, præter alios, fecutus est Præpos. quondam & Pastor Uloënsium in Ostrobotnia ZACHAR. LITHOVIUS, in Epitaphio Episc. JOH. GEZELII, filii, Runico carmine conscripto, impresso Holmiae A. 1718.

ciem, alia quædam adhuc Runis nostris familiaris est, præcipua digna attentione, in ipsius sensus & totius versus consistens aliis verbis facta repetitione. Admodum enim in omni Runico carmine necessarium habetur, ut quivis sensus, non simplici enunciatione exhibeat, sed duobus ut plurimum versibus, aut etiam pro re nata pluribus, diversis tamen in quoque verso verbis, idem exprimatur & inculcetur. Sive, sententiæ singulæ quibus carmen constat, duo semper aut plura habere debent distincta membra, totidem comprehensa versibus, eoque inter se modo juncta, ut insequens eandem cum præcedenti rem, diverso verborum apparatu, & si fieri potest, efficaciori pronunciet. Ita primi versus sententia repetendo absoluta, altera demum subjicitur, rursus simili ratione conduplicanda, atque sic deinceps. Diversam a reliquorum Europæorum poëmatibus, hoc metri genus Runis nostris indolem adfert, & habitum orientalium populorum poësi similiorem induit, sed magnificentiam quandam simul & vim plane insignem illis conciliat. Non enim potest non vehementius affici mens legentis aut audientis, cum repetitis quasi ictibus verberatur, & quod de figura interpretationis dieit Auctor Rhett. ad HERENNIVM, necesse est ejus, qui audit (aut legit), animum commoveri, cum gravitas prioris dicti renovatur interpretatione verborum (o). Atque hac ratione totum carmen continua quadam figurarum serie insurgit. Sed exempla rem uberioris illustrabunt, quæ ad verbum lati-

latine reddam, ut linguae nostræ minus etiam peri-
ti, aliquam tamen de indole Poëseos Fennicæ no-
tionem acquirere sibi possint. Unus ex felicioribus
nostris Poëtis, carmen gratulatorium Regi nostro Au-
gustissimo Fenniam peragranti dicatum ita orditur:

Koska fulki Kuningamme,	Cum proficeretur Rex noster,
ADOLPH FREDRIC av.	ADOLPHUS FRIDERICUS
mollinen	clemens
Meidän maalla matkusteli,	Per terram nostram iter faceret,
Kaicki wereuni wenähii,	Omnis sanguis meus extende- batur,
Kaicki liskahti lihani,	Omnis commovebatur caro mea,
Että virteni virtitur,	Ita ut canticum meum intende- rem,
Kannoim minun kandeleni	Portarem lyram meam
Isäu iisuimen etehen,	Ante (ad) solium Patris,
Kaickiwallan kamarihin;	Ad omnipotentis domum;
Josta andiin andimia &c. (p).	Unde expetebam dona &c.

Alius terræ motum, mortem sanctissimi Servatoris
secutum, ita describit:

Wielä maatkin manderet-	Quin terræque firmique terra-
fin,	rum tractus,
Ise kaiken ilman pojja,	Ipse omnis aëris fundus,
Luosan surmaa surepi,	Creatoris cædem dolet,
Wapisepi waikiasti,	Tremit misere,
Sangen hâminästy surusta;	Admodum stupet præ dolore,
Yahoi painua peräti	Voluit sidere (ruere) prorsus

C 2

Pojes

(p) CALAMNIUS Wöhäinen Kokous Suomal. Mu-
noista, p. I.

Poses våldå pagastensa,
 Kaata muurit forleiminat,
 Hyvät huonehet hukata,
 Nakata ylös alaisin.
 Welä falliot forvimmiat,
 Joit' ei kisso kireves poihja,
 Ei särje sepän wasara,
 Pissâne terâvât pisslit,
 Murhen tähden murtunewat,
 Pelvoista palahtelevat,
 Tussan tähden halkiawat,
 Kosk' on Luoja kuolemassa. (q) Cum est Creator in morte, &c.

De columnis suis,
 Evertere muros altissimos
 Eximias domus perdere,
 Dejicere funditus.
 Etiam rupes durissimæ,
 Quas non avellit securis malleus,
 Non frangit fabri iudes,
 Forant acutæ sagittæ,
 Prä dolore diffringuntur,
 Ex metu disrumpuntur,
 Prä anxietate sinduntur,

Nemo credo hic virtutem carminis desiderabit, cuius etiam in tam exili versione non obscura apparent vestigia; neque indoles metri nostri ex his exemplis non intelligetur, quibus igitur, brevitatis studio hoc loco plura non addimus. Parcissime ab hujus rhythmî observatione Poëtis nostris recedere licet, & duos in primis aut plures tali vitio laborantes versus conjungere, ægetrime permittitur. Exemplum præbent hi versus: Koska kînni tahtonetta Miestä muska wieckahlida / Muistatte uschen ennen/ Karlaisti kâstistid kansan &c. qui prosaicum nimis habitum produnt. Ipsa autem lingua Fennicæ indoles, copiosæ & pluribus synonymicis abundantis, egregie vatum faveat conatibus. Cæterum nemo, antiquæ poëseos Hebraicæ, cujus in sacro Vet. Testamenti codice exempla habemus, vel tantillum cognoscens indolem, aut

(q) SALAMNIUS Ilo Laiulu Jesuista, &c. Cap. XX.

aut carmina Biblica, et jam in alias linguis fideliter translata, diligentius considerans, insignem illorum cum nostrarum Runarum conformatio[n]e hac in re facile non animadvertiset convenientiam, quam pulchre indicat, ipsa[m]que hanc poëseos nostræ rationem, a se primum distincte expositam, simul aperit Reverendiss. JUSLENIUS (r), his verbis: *In primis notabilis est Hebraicorum & Fennicorum carminum concentus, consistens qua poësin in periodi (aut cuiusvis enunciationis) divisione in duo hemistichia, quorum posterius variata phras[is], sensum cum priori continet eundem vel etiam εὐφαντικόνεγον.* Si vero contingit plura ponи membra, aut partium (plerumque) est enumeratio, aut gradatio orationis. . . . Ex unico nostrati proverbio, sunt enim ut plurimum metrica, tota res apparebit. *Jumalall' on onnen ohjat/ Luosalla hykyn awaimet: Wanen ei kateen kainaloja/ Pahan suo wan formen pääsi.* Sic sonaret ad verbum: Deo sunt habent fortunae, Creatori fortis claves; sed non invidi sub axilla, malevoli digitorum in apicibus. Quo poëmate, cum id in idiomate suo consideratur, quid uspiam elegantius, quid concinnius, quid quod veterum Hebreorum poësin referat exactius? Metri hujus, quod cum Hebreis nobis commune est, naturam & laudes uberioris explicatas, videre licet in elegantissima de Poësi Biblicæ dissertatione, Upsal. A. 1758 editæ (s);

(r) *Orat. de conv. ling. Fenn. cum Hebr. & Graeca.* NETTELBLADT Schred. Bibl. I. Stäck. p. 163.

(s) A. CL. SV, ULLHOLM, Präside Cel. CAR, AU-RIVILLIO.

cfr. ejus §. 3. ubi egregie inter alia dicitur: *Quid?*
*quod Biblicæ Poëeos metro, quod ostendimus, hæc inest
singularis omnino præstantia, ut quam demum cunque in
linguam, fideliori quidem versione transfundatur, mi-
gret una & illæsum servetur, rerum quippe ipsarum
intextum imaginibus, quæ mutari versione non possunt,
dum contra cæterarum in gentium poësi omnium, peri-
re adeo cogatur metrum versi carminis, ut nisi disjecti
postea poëtæ membra vix appareant.* Quamquam præ-
ter hoc rhythmī genus, nostra carmina multis gau-
dent, quæ popularium aures impense delectant, in
versionibus vero intereunt, uti ex supra disputatis
facile intelligitur, quod videlicet syllabarum & nu-
merum & quantitatem nostri exactius curent quam
Hebræi, literasque insuper vocum initiales easdem
repeti velint, adeoque versus artificiose magis stru-
ant. Cæterum peculiarem quam & Biblica & no-
stra carmina agnoscunt metri constitutionem, mo-
do descriptam, aptissime *Rhythmum sensus, Rime du-
sens,* appellavit, & Europæorum *Rhythmo soni, Rime
du son,* opposuit, JOH. DES CHAMPS (1), utpote
sententiarum & notionum ipsarum harmoniam, lo-
co ejusdem in fine versuum recurrentis soni, ex-
hibentem. Specialius autem ut hujus rhythmī na-
turam, qualē Runæ spectandā præbent, expli-
cemus, observamus varie eundem pro re nata a va-
tibus nostris instrui, non tantum membra ejus nunc
plu-

(1) In Epist. inserta Diar. Britann. T. XIII. p. 268,
sicut docet Auctor Dissert. supra laudatæ.

plura nunc pauciora ponendo, sicut allata ostendunt exempla, sed etiam integrum modo sententiam, modo partem tantum enunciationis insigniorem repetendo. Sic in his versibus: *Raha soutui raskahari/ Käändyi huoleri hopia/ pecunia siebat onus, argentum mutatum est in curam,* integra sententia dupliciter exprimitur; nec non in his: *Wierywåt wedet wå-fewåt/ Yallot passon pauhajawat/ volvuntur aquæ potentes, fluctus multum tumultuantur.* Sed cum dicunt: *Kewåt keicluin tulepi/ Ilon kansa ilmestypa/ ver tri-pudians venit, cum gaudio manifestatur,* appareat solum prædicatum enunciationis repeti, uti subjectum solum in his duplicatur: *Suru saatti rohkiari/ Murhe Herran haawoista/ Dolor fecit audacem, Sollicitudo de vulneribus Domini.* Interdum & subjectum propositionis & prædicatum conduplicatur, sed utrumque separatim, ut in his versibus: *Kansan huuto huileimihi/ Voru vappein pahinden/ Tucki körwat Tuoma-rilda/ Pehmitti pahoim sydämnen (u), Populi clamor gravior, vociferatio sacerdotum pessimorum, obturat aures judicis, mollivit male animum.* Nonnunquam præter subjecti aut prædicati sigillatim factam repetitionem, tota quoque propositio iteratur, ut in his: *Suru särjepi sydämnen, Haikasti haawoittapi/ Murhe khöpi rinnat ricki/ Dolor frangit cor, acerbe vulnerat, luctus lacerat pectora;* aut alio ordine, qui magis placere solet: *Suru särjepi sydämnen/ Murhe mieleen rikottapi/ Haikasti haawoittapi, dolor frangit cor, luctus*

luctus animum lacerat, acerbe vulnerat. Sæpe etiam non totum subjectum aut totum prædicatum, sed insignior alterutrius pars aliis verbis enunciatur, ut in his: Kerran mendyå merelle, Lainchille laitwan fasssa / Meri miehet melskiähän / Tulit ilmahan isohon / Aliquando petentes mare, Undas cum nave, Nautæ in magnam venerunt, in tempestatem ingentem. Et quis omnem hujus collocationis varietatem persequetur? Uti licet hac in re poëtis summa libertate, modo generalibus pareant rhythmi legibus. Perfecta autem si adhibetur periodus, non nisi per partes suas duplicari facile potest, quæ varie repetuntur, ita ut colon quodvis, singulo contentum versu, sigillatim repetatur, hoc modo:

Chä Juuttahat iloizhit,
Vaha parvi payhasapi,
Surmasa suloisen HErran,
Luojan piñasta parahan;
Kärsi kuiteng' kaicki luondo;
Alla tuskan taiwahatkin etc. (x).

Quamvis Judæi lætabantur,
Mala grex plauderet,
In morte benigni Domini,
De Creatoris cruciatu optimi;
Tamen patiebatur tota natura,
Sub anxietate etiam cœli &c.

(x) I. e. cap. 19.

S. D. G.

ERRATA. Pag. 4. l. 19. vo'luisse leg. valuisse pag. 8. l. 19. adficit
leg. adficit pag. 9. l. 3. pronuntiarunt leg. pronunciarunt pag. 15. l. 19. joia
leg. galæ. pag. 18. l. 19. induit leg. induit pag. 21. l. 26. editio leg. e-
dita.

